

光緒重修安徽通志

重修安徽通志卷六十三

河渠志

黃河

黃河在明嘉靖六年以前分爲六道其兩道由河南鳳泗入淮其四道由小浮橋飛雲梯大小溜溝入海時則河行開歸徐沛之地其後開歸沛諸流俱堙全河胥經徐州以入淮矣

江南通志

按小谷口薈叢明初黃河六道由安徽者一出滎陽者至壽州入淮出祥符者至懷遠入淮

黃河自徐州東逕靈璧縣北去縣治一百二十里

江南通志

黃河自徐州而下古泗水之道也靈璧卽禹貢泗濱河奪泗則

由靈璧矣

靈璧縣河防錄

靈璧境內黃河二十二里地勢低窪河形兜灣明時張寒來等

堡常常缺漫

靈璧縣志

靈璧雙溝左右地形卑下隄工屢決最稱險要

靈璧縣志

張家瓦房在雙溝集西五里其地與墨家口近明萬厯中總河潘季馴謂此處縷隄正當黃流之衝河狹水激必不可守因而棄縷守遙築格隄於單口之上雙溝之下使橫流遇格而止水退仍復歸槽立法甚善康熙二十四年靳輔修築子縷二隄遙隄則未之及然其書有云江南境宿遷以下北岸則縷隄之內復築遙隄南岸則否蓋以大興經理之日正河道壞極之時惟奪河阻運是懼故隄防北岸不遺餘力而南岸未遑及之今兩河復故五六年無潰決之告則綢繆善後更當爲大害去而大利興之圖南岸遙隄一工其利有四黃患不測作重門之障一也東散漫之水匯湖入黃沮洳涸而爲沃壤二也引黃入淤歲

久加高卽岸成隄不煩加築三也挑土築隄卽開成小河一道
伏秋保險運料便易四也靳輔之斷斷於南岸遙隄者如此嗣
後司河者慮工費浩繁竟未修復而遙隄之舊存者且令民領
種納租自是遺蹟蕩然矣雍正中總河齊蘇勒於墨家莊臨河
築隄一道此卽所謂河狹水激必不可守之處也棄遙守縷縷
之外又加一縷則東水愈急大溜直刷隄根遂成險工此張家
瓦房壩臺之所以建也往年常於北岸淤灘開引河迄無成功
忽一夕西風鼓浪大溜東趨衝成天然引河一道南岸之險由
此遂平乾隆十七年伏秋盛漲大溜仍復南趨其險如故未雨
綢繆之計所望司河者加之意也

靈璧縣
河防錄

謝家樓西小河康熙中淮徐道潘尙智所開南至練灘接潼河
以運孟山湖毛蘆甚爲便易至張家馬路決口此河適當其衝

沙墊數尺不可開浚今相地勢謝家樓東至雙溝集南向來取
土築隄隄內甚窪一經霖雨積水成渠就此略加疏鑿接入單
家橋淤河開通漁溝則孟山泗山諸湖所產毛蘆舟運張工朝
發夕至省民間陸運之累利一也靈邑十年九澇秫稻不可必
得毛蘆旱澇無患歲料不缺利二也此河一成民田積水藉此
宣洩利三也商民舟楫直抵雙溝百貨往來便易利四也一變
通閒而河道民生均有裨益可不務哉

靈璧縣
河防錄

趙皮寨起至李景高口一帶係黃河舊趨鳳陽故道明萬曆十
七年創築遙隄長一千三百五十九丈九尺最爲要害宜慎守
之

河防
驗要

歸仁隄高堰之屏障也其上流來源自徐溪口歷蕭縣靈璧等
處二百餘里合永堽姬村湖水而匯於準子白鹿等湖從白洋

河東西兩溝入黃河黃之泥沙得此而汰故俗亦名汰黃隄

隄仁隄考

鳳泗淮揚之陷溺病在淮淮停病在黃黃之汎漲病在海口疏

海口以導黃抑黃水以洩淮此誠首務

通清類編

宋熙甯十年七月乙丑河大決於澶州河道南徙合南清河入

於淮

宋史河渠志

元至元二十五年河決汴梁太康潁州被害

元史世祖紀

皇慶二年六月河決陳亳睢三州

元史仁宗紀

延祐三年潁州泰和縣河溢

元史五行志

泰定二年亳州河溢漂民舍壞田免其租

元史泰定帝紀

明洪武八年大河南決挾潁入淮

目遊四海記

二十四年河決原武之黑陽山東經開封南行至項城經潁州

穎上東至壽陽鎮全入於淮故道遂淤

明史河渠志

永樂十四年河決開封經懷遠縣由渦河入淮

明史河渠志

二十一年戶部尙書郭資言鳳陽府宿州去年夏秋淫雨黃河

泛溢並傷田稼命遣人按視蠲其租稅

明太宗實錄

正統十三年河決滎陽縣東抵項城達太和又西南達潁州注

於淮

太和縣志

是年河決滎澤縣孫家渡口入汴至壽州入淮七月河又決滎

陽東南經陳畱自亳入渦口又經蒙城至懷遠界入淮

續文獻通考

宏治二年五月河決汴城入淮復決黃陵岡入海命戶部侍郎

白昂兵部郎中婁性治決河昂於滎澤開渠導河由陳穎至壽

州合淮水入海

明史河渠志

三年戶部侍郎白昂奏臣奉敕修治張秋決河由淮河相度水

勢至於河南中牟等縣見其上源決口南決者自祥符縣界折爲一支一合潁水下塗山入於淮一入渦河下荆山入於淮又一支自歸德州通鳳陽之亳縣亦合渦河入於淮合潁渦二水入淮者各有灘磧水脈頗微宜疏濬以殺河勢

明史河渠志

六年二月命右副都御史劉大夏修治決河時河決張秋大夏行視之曰下流未可治治上流先導之南行且築長隄以防大名山東之患候河頗循軌而後河可塞也於是濬賈魯舊河四十餘里由曹出徐以殺水浚孫家渡開新河七十餘里導使南行由中牟至潁以入淮又浚四府營淤河由陳畱至歸德釀爲二一由符離出宿遷一由亳渦會於淮

南河全考

正德五年工部左侍郎崔巖奉命治河亳州濬四十餘里

明武宗實錄

按武宗實錄云黃河自河南原武滎陽分而爲三一由亳州鳳陽通淮入海一由歸德抵徐州小浮橋一名賈魯河由窪泥河抵徐州小浮橋其時河經亳州故濬之

嘉靖元年七月直隸鳳陽等府同日大風雨霍河水泛漲壞官

民廬舍溺死人畜無數

明世宗實錄

五年御史戴金言黃河入淮之道有三一自中牟至荆山合長淮之水曰渦河一自開封府經葛岡小壩丁家道口馬牧集鴛鴦口至徐州小浮橋曰汴河一自小壩經歸德城南飲馬池至文家集經夏邑至宿遷曰白河宏治間黃河變遷渦河白河二道上源年久堙塞而徐州獨受其害若逐一挑浚使之流通則水患可以少殺提督漕運總兵官楊宏言徐州上流若亳州渦河等處俱有黃沁分流支脈故道宜於此開浚或有捷路可開

庶以分殺水勢工部議奏浚賈魯之故道開渦河之上源則工大難成未可輕舉宜令各官逐一相度黃河水勢向背牯河地

勢高下講求疏浚之法詔如所議

明史河渠志

十九年河決睢州野雞岡由渦河經亳州入淮二洪告涸兵部侍郎王以旂同河道漕運二都御史周金郭持平築塞野雞岡濬李景口支河由蕭縣以達小浮橋凡六百餘里八閱月而成於是渦河堙而河之全力皆入於徐矣

蕭縣志

二十四年河決野雞岡南至泗州合淮入海遂溢蒙城五河臨

淮等縣

明會典

隆慶五年河決雙溝等處十一口支流既散幹流遂微遂淤匙頭灣八十里起都御史潘季馴治之乃役丁夫五萬開匙頭灣塞十一口大疏八十里故道漸復

明紀事本末

六年始築靈璧纜隄設立鋪夫

靈璧縣河防錄

萬曆六年潘季馴築靈璧遙隄自三山頭至李家鋪長二萬八

千五十八丈

靈璧縣河防錄

七年潘季馴慮黃河倒灌小河白洋等口挾諸河水衝射盱泗

作歸仁隄爲保障計

楊一魁奏疏

十六年開管家營支河一道爲淮安知府張允濟原議欲使大

河分流一殺泗州水勢一減清江浦外伏秋之漲而潘季馴疏

陳以爲河不兩行自古記之往年河臣劉大夏劉天和王以旂

俱開濬支渠不久卽淤恐妨奪正河虛費工力請行停寢

河防

十七年河決雙溝單家口於是專議築趙皮寨至李景高口遙

隄築石將軍廟至塢山長隄築羊山至土山橫隄

明紀事本末

十八年築單口辛安雙溝諸格隄

淮安府志

二十七年鴻臚寺卿張朝瑞奏言泗州向無水患自萬曆七年泗州之東築高家堰以遏淮而淮始爲泗患漕臣褚鈇謂泗陵水患病在高堰而開周家橋迄高良厝眞對證之藥何好事者倡爲分黃導淮之議不知淮之患在泗州黃之患在清河相去二百里而遙黃爲患宜分黃導黃淮爲患宜分淮導淮各因水勢而利導也乃分清河之黃以導泗州相去二百里之淮是隔韓搔癢也工部尙書楊一魁駁曰黃流宜分分則勢減而不爲淮病淮流宜合合則力全而不至爲黃掘黃淮合流於清口二水相鬪黃高一尺則淮壅一尺淮退一步則黃進一步黃倒灌淤沙橫截上流四五十里壅淮滯蓄於盱泗之墟汪洋如海是以有祖陵之患頃自分黃以來始見清口淮反高黃反低長淮縱出將張福二口衝深一二丈闊百餘丈而泗州隄淮水頓落

一丈湖陂變爲桑田分黃正以導淮此有目所共見張朝瑞獨以分黃導淮爲隔韉搔癢不知下流壅則上流溢水之源委尙

未分曉是坐井觀天也卒從一魁議

明神宗實錄

四十二年六月河決靈璧縣陳鋪入冬淤平河流復故

南河全考

天啟元年河決靈璧雙溝黃鋪由永姬湖出白洋小河口仍與

黃會故道堙涸總河侍郎陳道亨役夫築塞

明史河渠志

三年河決徐州大龍口徐邳靈璧河並淤雙溝決口亦滿上下

百五十里悉成平陸

明史河渠志

六年廬鳳各府屬入秋靈雨連旬河溢廬舍衝沒人民溺死者

無算

明熹宗實錄

崇禎六年御史吳振纓奏歸仁等隄修塞事宜詔下部議行之

吳侍御奏疏

附疏略鳳泗之水淮近而河遠故歸仁一帶之隄防淮而不防河以睢南上下舊築西北長隄數百里

障河之橫而束其流以歸於海此歸仁之外捍也向者漕運走徐邳則爲漕設隄或勤修築自直河改運而急漕者視此隄爲緩且邳州築其欄壩羊山塞其分流水盡通於睢甯有不爲決之勢矣故如餘堡雲堡露堡湯家園諸口先後俱決是向之淮與黃至清河始合而今之黃水橫過睢甯最下與淮合併浩渺無涯歸仁隄失其捍蔽而兼之黃強淮弱狂怒奔衝非一隄之力所能支故修歸仁而堅塞唯甯外隄之決口爲治河之要著

國朝康熙十七年

命設江南河兵八營凡五千八百六十名罷淮揚二府徐州并靈璧縣

隄淺等夫

江南通志

二十三年八月靈璧來字堡漫缺隄工四十餘丈

新輔治河書

是年修築徐州黃河南岸自蕭縣界經王家山郭家嘴上壩頭

三山頭至靈璧縣縷隄長一萬六千一百六十八丈六尺又修

築靈璧縣黃河南岸自徐州界至睢甯縣界衛工頭縷隄長三

千九百四十八丈

江南通志

二十四年修築靈璧縣黃河南岸自徐州界撐隄起至龍虎山

臨河子隄長二千六百八十四丈接徐州子隄係民築江南通志

隄在謝家樓西子隄在墨家口西

三十一年十月從總河靳輔請

命吏部尚書熊賜履往鳳淮揚三府徐州會同督撫清查關河築隄建

造甬壩栽柳田畝盡裕錢糧并兩河歸故中河告成後淤成熟

地應升科田糧江南通志

三十六年自小店迤東起至靈璧縣界民築臨河子隄長四千

五十三丈江南通志

三十八年修築歸仁集西烏鴉嶺土隄自鳳陽府虹縣界起下

至歸仁集石工頭長五百九丈又修砌歸仁隄舊石工上自歸

仁集下至五堡格隄頭長三千八十八丈江南通志附御史徐越修

復歸仁隄疏略黃強淮野前人借水濟運必欲助淮力北與黃有隄水半子湖水其勢甚大且遇黃河一漲則能與此水相連
南其北越者無全力則為黃所阻而不能入河以濟運其南趨而
者且隄請湖之水浸溢於周橋一帶為高竇各邑淪胥之患
今議者從事於周橋啟閉及堅築翟壩傾圮於水勢不可謂不
審但淮水有源有委謂當先施力於上疏之歸仁隄然後議
及於下流之周橋謂當先施力於上疏之歸仁隄然後議
水半子湖水復併白洋河出口以刷董口一帶之沙淤而為益
於運道下則兜睢湖諸水使不得衝入淮流以阻其勢復南借
周橋翟壩遇淮水下湖之便安得不怒激以取路清口耶淮水
全出清口而兩河治運道通矣

按泗州歸仁隄去州治幾二百里去州境亦近三十里自歸

仁集迤東至桃源之于家岡約長五十七里實居泗州之脊

背考州志徐邳而下河身卑窪湖水隨漲隨涸閒漫及泗境

猶為害不甚自黃水徙蕭縣義安山合永涸湖水流入宿州

之符離溝歷邳州之睢河與宿虹白鹿埠子藕湖等水匯為

巨浸由拖犁溝南流入泗境安河會淮爲患一遇伏秋倒灌
小河口白洋河由歸仁集東橫闊四十里奔騰而下逐年衝
決經蕭碭宿睢靈虹濱河州縣田廬淪沒彌甚萬厯二十年
巡按舒應龍改築石隄三千餘丈泗境稍安隄久傾頽水勢
衝突直逼泗境與高堰平夫泗受淮患三屆閉旣無所疏歸
仁摧復有所入孤城一葉幾何不宵而爲魚也至康熙十年
修砌河歸故道泗可不憂黃而憂專在淮矣

三十九年九月二十四日

上諭工部歸仁隄修築事宜屢經面諭于成龍最爲緊要乃于成龍性
偏未行詳看遷延時日以至於今觀張鵬翮所奏甚爲合理此事所
關至要著九卿詹事科道可作速會同詳議具奏及今年黃河水小
之時興工毋誤圖并發 廷議應如所奏奉

旨依議速行

四十年加幫靈璧縣黃河南岸墨家口撐隄長一百一十六丈

江南通志

雍正五年創築靈璧縣黃河南岸墨家莊裏隄長二千一百八

十八丈

江南通志

九年建築靈璧縣黃河南岸張家瓦房壩臺併樓崖埽工長一

百五十丈

江南通志

乾隆元年奉

上諭潘家道口一帶地方年來屢遭水患自應亟爲流通爲父安百姓

之計但此水下流多在江南蕭宿靈虹睢甯五河等州縣今若止議

挑濬上源而無疏通下流之策則水無歸宿之區仍於河渠無所裨

益著河南巡撫富德會同江南總督總河各委賢員會勘明確公同

妥議速行辦理

全文恭錄
皇言紀

三年奉

旨議定毛城鋪減水壩池下河道令豐蕭碭河務通判銅沛河務通判
邳睢靈璧河務同知宿虹河務同知山盱河務通判各照所屬
地方分界管理子堰或經單薄河道或有淤阻均令隨時修補
疏導

是年總河高斌開峯山插下引河由睢甯馬家淺焦管營西南

至靈璧之枕頭山入漁溝歸孟山湖

靈璧縣
河防錄

五年總河高斌啟峯山頭插兩堰崩裂黃水散漫滄瀾田廬河

形旋失

靈璧縣
河防錄

十一年總河高斌疏言峯山四插洩水無多不遇盛漲之年無

庸啟放

靈璧縣
河防錄

十八年九月十二日夜半張家馬路決口南灌靈璧雙溝上下
河流涸竭是歲靈璧春夏大旱蝗蝻徧野六月甫滅天降淫雨
歷七八九月不霽淮雎大漲洪澤泛溢加以全河之水奔騰而
城南一帶俱爲巨浸奉

旨賑餓用銀一十八萬六千餘兩米七萬石十二月十三日決口塞水

始退

靈璧縣
河防錄

嘉慶七年題准改宿虹河務同知爲宿北同知增設宿南河務

同知通判各一人

會典

上諭據松筠等奏查勘籌議山盱隄堰及下河地勢情形並毛城鋪無
須修復等款所議俱是高堰以大隄爲根本大隄堅實則二隄毋庸
添築二河更無須挑挖著照所議將大隄子堰東首單薄之處分別
培築並將子堰栽種排柳蟠根護土以資保護至五壩急須修復著

卽以次估修俾清水得有關東不致泛濫爲患其下河一帶各河道及毛城鋪工程均著無庸辦理高寶運河應修隄工著照所請動款修築以利漕運欽此

會典

重修安徽通志卷六十四

河渠志

運河

安慶府在江北岸其漕運懷甯縣瀕江桐城縣自樅陽河入江
潛山太湖二縣並自北至府有水次倉在懷甯境宿松縣西經
泊湖出望江縣之吉水鎮入江望江縣南行十五里逕達江口
自江口東北行九十里至府同安驛又十里至桑園又二十里
越南岸爲池州府貴池縣之黃湓又七十里至池口驛

江南通志

池州府在江南岸其漕運貴池縣自清溪入江青陽縣自大通
鎮入江銅陵縣西距江一里而近建德縣自堯城渡經東流縣
入江東流縣瀕江自東流縣西江行一百三十五里至池口驛
又八十五里至銅陵縣又六十里至太平府繁昌縣之荻港驛

其對岸則廬州府之無爲州

江南通志

廬州府在江北岸合肥舒城巢三縣漕運由巢湖一水貫注經

運漕鎮出和州之裕溪口入江廬江縣無爲州由黃洛河經運

漕鎮出裕溪口入江二十里至太平府西梁山

江南通志

甯國府在江南岸宣城甯國涇旌德太平南陵六縣漕運並會

於府北灣沚河出楊清口合黃池下流水陽河入江江口卽

太平府之東梁山

江南通志

按宣城縣兌漕明初在太平府水次宣德七年移在水陽涇

縣南陵甯國旌德太平五縣俱在蕪湖水次至今因之

廣德州及建平縣在江南岸廣德漕倉在宣城水陽建平縣漕

運自縣城以小舟運南湖至水陽皆由蕪湖達於江

江南通志

太平府在江南岸其漕運當塗縣北出采石河二十五里入江

蕪湖縣西七里入江繁昌縣由澮港入江五十里至東梁山西四十里至采石鎮又五十里至江甯府之江甯鎮以上府州江運漕船隨地遠近遞續交會俱逕江甯龍江關過十里青山

入儀真運河

江甯通志

按當塗縣西三里有金柱關土名破缺口姑溪河水入江處也明萬曆閒知縣章嘉貞建金柱塔於此以鎮塞水口改今名其時河水已不復繞道采石當塗漕運之由金柱關入江固已久矣

淮之北岸鳳陽府之懷遠宿州靈璧潁州府之阜陽潁上亳州太和蒙城泗州之五河漕運俱入淮經洪澤湖

江甯通志

按同治三年割宿阜亳蒙四州縣地置渦陽縣屬潁州府

淮之南岸鳳陽府之定遠壽州鳳臺潁州府之霍邱直隸六安

州併英山霍山直隸泗州併盱眙漕運俱入淮經洪澤湖

以上州縣俱交會由清河縣帥家莊入黃河運道江南通志

泗州天長縣漕運自石梁山出邵伯湖入通湖楮口東直高郵

城達淮安府江南通志

夏沿于江海達于淮泗禹貢沿江入海由海入淮由淮入泗孔氏傳

按通典同安今安徽新安今安徽廬江今廬江鍾離今亳壽春今壽

永陽今蘇州歷陽今和州等郡皆屬揚州

周敬王三十四年吳城邗溝通江淮左傳

魏正始四年修諸陂於潁之南北萬餘頃自是淮北倉庾相望

壽陽至於京師農官屯兵連屬焉晉書宣帝紀

司馬宣王使鄧艾行陳潁以東至壽春艾以為良田水少不足

以盡地利宜開河渠可以大集軍糧又通漕運之道宣王從之

乃開廣漕渠東南有事輿眾泛舟而下達於江淮資食有儲而

無水害艾所建也

三國志
鄧艾傳

唐開元二十七年采訪使齊澣開宿州虹縣廣濟新渠自虹至

淮陰北十八里入淮以便漕運既成湍急不可行遂廢

唐書地
理志

建中閒李希烈阻兵江淮輸物畱梗判官王紹乃徙餉道自潁

入汴

唐書王
紹傳

元和十一年十二月置淮潁水運使通揚子諸院米自淮陰沂

流至壽州四百里入潁口又沂流至潁州沈邱界五百里

舊唐
書憲

宗
紀

長慶二年八月轉運使王播進開潁口圖

舊唐書
穆宗紀

周顯德六年命侍衛都指揮使韓通宣徽南院使吳延祚發徐

宿等州丁夫數萬浚汴水命馬軍都指揮使韓令坤自大梁城

東導汴水入於蔡水以通陳潁之漕發畿內及滑亳丁夫數千以供其役

通鑑

王溥改鎮潁州州境舊有通商渠距淮三百里歲久湮塞溥疏

導之遂通舟楫郡無水患

宋史王溥傳

水陸運使杜佑奏廬壽之間有水道而平岡互其中曰鷄鳴山疏其兩端皆可通舟其間登陸四十里而已江湖黔嶺蜀漢之粟可方舟而下由是白沙趨東關經廬壽浮潁步蔡歷琵琶溝入汴河不復經沂淮之險徑於舊路二千里功寡利溥朝議將行而徐州順命江淮乃通

宋史河渠志

宋建隆二年正月浚蔡渠命右領軍上將軍陳承昭督其役導閔水自新鄭與蔡水合貫京師歷陳潁達壽春以通淮右之漕

舟楫畢至都人利之

文獻通考

開寶開議征江南用京西轉運使李符策發和州丁夫及鄉兵

數萬人鑿橫江渠於歷陽以通漕運軍用無闕

宋史河渠志

太平興國三年泗州汴水漲一丈塞州北門

宋史五行志

是年梁迥以平江南功領泗州團練使詔迥發畿內丁男三千

護塞汴口

宋史梁迥傳

至道中王嗣宗爲江浙荆湖發運使初漕運經泗州浮橋舟多

覆壞嗣宗徙至城隅遂獲安濟後以漕運稱職就拜太常少卿

宋史王嗣宗傳

景德三年七月汴水決南至亳州合浪宕渠東入於淮

宋史五行志

九月浚汴口

宋史真宗紀

李溥任制置江淮等路並發運使因高郵軍新開湖水散漫多

風濤溥令漕舟東下者還過泗州因載石輸湖中積爲長隄自

是舟行無患

宋史李溥傳

祥符八年太常少卿馬元方請浚汴河詔遣使計度修浚使還上言泗州西至開封府界崖闕底平水勢薄不假開浚請止自泗州夾岡用工八十六萬五千四百三十人以宿毫丁夫充計減工七百三十一萬從之

宋史河渠志

熙甯四年發運副使皮公弼言漕運涉淮有風濤之險請開洪澤河六十里從之工畢錫公弼銀

文獻通考

元豐六年正月戊辰開龜山運河至二月乙未告成長五十七里闊十五丈深一丈五尺初發運使許元自淮陰開新河屬之洪澤避長淮之險凡四十九里久而淺澀熙甯四年皮公弼請復濬治起十一月壬寅至明年正月丁酉而畢人便之至是發運使羅拯復欲自洪澤而上鑿龜山裏河以達於淮帝深然之

會發運使蔣之奇入對建言乃詔夫十萬開治

宋史河渠志

元祐四年六月知陳州胡宗愈議開浚古八丈溝分蔡河之水

自爲一支由潁壽入淮詔從之

文獻通考

紹聖中曾孝蘊提舉兩浙常平徙江淮荆湖發運泗州議開直河以避漲溢沙石之害孝蘊以淮汴不相接不可成既而工役

大集竟成之未幾河果塞

宋史曾孝蘊傳

崇甯二年十二月詔淮南開修遇明河自眞州宣化鎮江口至

泗州淮河口五年畢工

宋史河渠志

政和四年二月工部言前太平州判官盧宗原請開修自江州至眞州古來河道堙塞者凡七處以成運河入浙西一百五十里可避一千六百里大江風濤之患又可就土興築自古江水浸沒膏腴田自三百頃至萬頃者凡九所計四萬二千餘頃其

三百頃以下者又過之乞依宗原任太平州判官日已興政和
圩田例召人戶自備財力興修詔沈鏐等相度措置

宋史河渠志

十年四月尚書省言盧宗原濬江慮成騷擾詔權罷其役

宋史河渠志

任諒爲江淮發運使蔡京破東南轉般漕運法爲直達綱應募
者率游手亡賴盜用乾沒漫不可核人莫敢言諒入對首論之
京怒會汴泗大水泗州城不沒者兩版諒親督部卒築隄徙民
就高賑以米粟水退人獲全京誣以漂溺干計坐削籍歸田里
執政或言水災守臣職發運使何罪帝亦知其枉復右文殿修
撰陝西都轉運使

宋史任諒傳

重和元年二月前發運副使柳廷俊言眞揚楚泗高郵運河隄
岸舊有斗門水牯等七十九座限則水勢常得其平比多損壞

詔檢計修復

宋史河渠志

宣和二年九月以眞揚等州運河淺澀委陳亨伯措置初淮南連歲旱漕運不通揚州尤甚詔中使按視欲濬運河與江淮平會兩浙有方臘之亂內侍童貫爲宣撫使譚稹爲制置使貫欲海運陸輦積欲開一河自盱眙出宣化朝廷下發運使相度陳亨伯遣其屬向子諲視之曰運河高江淮數丈自江至淮凡數百里人力難濬昔唐李吉甫廢蒲置堰治陂塘泄有餘防不足漕運通流發運使會孝繇嚴三日一啟之制復作歸水澳惜水如金比年行直達之法走茶鹽之利且應奉權倖朝夕經由或啟或閉不暇歸水又頃毀朝宗牐自洪澤至召伯數百里不爲之節故山陽上下不通欲救其弊宜於眞州太子港作一壩以復懷子河故道瓜州河口作一壩以復龍舟堰海陵河口作一

壩以復茱萸待賢堰使諸塘水不爲瓜州眞泰三河所分於北
神相近作一壩權閉滿浦牐復朝宗牐則上下無壅矣亨伯用
其言是後滯舟皆通利云

宋史河渠志

六年九月從盧宗原請開池州車軸河口以便綱運

宋史河渠志

七年九月詔宗原措置開濬江東古河自蕪湖由宣溪溧水至

鎮江渡揚子趨淮汴免六百里江行之險

宋史河渠志

建炎閒吳中甫爲江淮發運使自洪澤鑿渠六十里以避長淮

漕運之險

江南通志

乾道七年二月詔令淮南漕臣自洪澤至龜山淺澀之處如法

開撩

宋史河渠志

金元光元年於靈璧縣潼郡鎮設倉都監及監支納以方開長

直溝將由萬安湖舟運入汴至泗以貯粟也

金史河渠志

元憲宗四年張柔移鎮亳州以渦水北隘淺不可舟軍旣病涉曹濮魏博粟皆不至乃築甬道自亳抵汴隄百二十里流深而不能築復爲橋十五或廣二十尺橫以二堡戍之

元史世祖紀

五年張柔會大帥於符離以百丈口爲宋往來之道可容萬艘遂築甬道自亳而南六十餘里中爲橫江堡又以路東六十里皆水可致宋舟乃立柵水中惟密置偵邏於所達之路由是鹿

邑甯陵考柘楚邱南頓無宋患陳蔡穎息皆通

元史世祖紀

至元中丞相巴延獻海運之法時江東南國池饒建康等處運糧率令海船從揚子江逆流而上江水湍急又多石磯走沙漲淺糧船俱壞歲歲有之

元史食貨志

明洪武四年上謂中書省臣曰臨濠爲朕興王之地今置中都宜以傍近州縣通水路漕運者隸之於是省臣議以壽邳徐宿

額息光六安信陽九州五河懷遠定遠中立蒙城霍邱英山宿遷睢甯碭山靈璧潁上秦和固始光山豐沛蕭一十八縣悉隸

中都

明太祖實錄

永樂元年戶部尙書郁新等言淮河至黃河多淺灘跌坡饋運艱阻請自淮安用船可載三百石以上者運入淮河沙河至潁岐口跌坡下復以淺船可載二百石以上者運至跌坡上別以大船載入黃河至入柳樹等處令河南車夫運赴衛河轉輸北京從之

明太宗實錄

宏治二年河失故道泛及汴隄巡撫以聞上命侍郎白昂行昂言河患甚急非臣一人所能治惟郎中婁性爲臣屬官其才可任詔可於是性受謀畫以河舊自歸德府之飲馬池東入睢水經宿州靈璧至宿遷小河口入泗惟睢淺隘不能受故其勢瀾

漫橫溢併及永城夏邑蕭縣碭山睢甯等處其治之無緩性乃
協謀於巡按命鳳陽知府章銳相其便宜以興工役而推官李
渭宿州知州萬本分行治之自宿遷而上至歸德而下並加疏
浚使淺者以深隘者以闊其傍民居田畝悉築隄以護其崇一
丈又於符離橋南鑿月河一道長五百丈闊十丈深二丈五尺
沿河置減水牐七及浚渠一宿州志

萬曆四十四年巡漕御史上漕河事宜言河決狼矢睢甯爲壑
宜於徐靈一帶護城舊隄增卑培薄繕治堅完庶幾不害明神宗

國朝雍正四年七月總河齊蘇勒疏奏高堰山盱一帶臨湖石隄
高卑不等請通行修理以高出水面爲度背後土隄一律加高
並將大隄單薄處擇段幫寬接築湖心石隄與石工高厚如一

十月齊蘇勒議稱洪澤湖滾水壩石壩三座安砌門檻太高每
遇湖水大漲不能暢出分洩請將三壩門檻各落一尺五寸所
需物料卽於沿河兩岸先年廢棄之插壩石塊內揀選添用奉

旨依議行

乾隆四年奏准洪澤湖發源桐柏淮泗及七十二谿等處閒歲
冬春河臣會委大員將河形水勢通塞衰旺以及分支合流可
引可截各情事詳細勘明豫爲酌定

十六年

上諭洪澤湖上承清淮汝潁諸水會爲巨浸所以保障者惟高堰一隄
天然壩乃其尾間伏秋盛漲輒開此壩洩之而下游諸縣胥被其害
冬月清水勢弱不能刷黃往往濁流倒灌在下游居民深以開壩爲
懼而河臣轉藉爲防險祕鑰二者恆相持朕南巡親臨高堰循隄而

南越三滾壩至蔣家插周覽形勢乃知天然壩斷不可開夫設隄以衛民也隄設而民仍被其災設之何用若第掣流緩漲自保上游搶險各工而鄰國爲壑田廬淪沒弗復顧惜此豈國家建立石隄保障生靈本意耶爲河臣者固不當如此存心也天然壩當立石永禁開放以杜絕妄見近者河臣等於開天然壩亦深以爲非而請於三滾壩外增建石滾壩以資宣洩朕親臨閱視謂增三爲五卽以過水一二尺言之向過三尺者卽爲五尺向過六尺者增而至丈是與天然壩名異實同人必有議其巧避開壩之名而險襲其用者是當爲之限制上年滾壩過水三尺五寸天然壩仍未開放應卽以是爲準俾五壩石面高下維均以仁義禮智信爲之次仁義禮三壩一如其舊智信二壩則於石面之上加封浮土必仁義禮三壩已過水三尺五寸猶不足以減盛漲則啟智壩之土仍不減乃次及於信斯爲節宣

有度較之開天然壩之一往莫禦者懸殊矣再高堰石隄至南滾壩以南舊用土工石隄有首無尾形勢不稱應自新建信壩北雁翅以非一律改建石工南雁翅以南至蔣家舖水勢益平則石基甌瓖如此方首尾完固屹如金湯永爲淮揚利賴至洪湖束水藉以刷黃而上游宿鳳虹潁諸邑歲被水患議者謂洪湖盛漲諸邑先被其災洩洪湖仍於上游無補自朕觀之漲減則上游之漫溢者亦減此固在封疆大吏於未被水時先事綢繆而司水土者亦未可謂閤休戚非已職掌所在而專以束水保隄爲得計也河工宿弊不可枚舉而無益之費尤多或明知無川而因循不發或因以爲利而妄事興修卽以朕巡視高堰一隄之內已不勝屈指數然觀河臣管領河漕數千里民命所繫視督撫綏輯一二省者爲難冒涉風雨守護隄防亦視督撫坐辦案牘者爲勞而督撫職在刑名錢穀事有實據是非難

掩河臣遵守章程可以福命苟安無事則其任較易向來河臣不乏表表尸祝之輩而糜帑養患有罪無功其識機宜得關鍵實著功效者幾人哉果使全不興功則置民瘼於不問河臣幾於虛設固無此政體如其糜脂材以擲虛化則蠹弊之最巨者總之河不可不治而毋徇其虛名工不可不興而必歸於實用我

皇祖聖祖仁皇帝屢幸南河

躬親指示平成睿略萬世永賴朕何能仰企一二卽經親視有所籌畫亦不敢自信爲必不可易惟愛養黎元揆理度務崇實敦本兢兢業業之衷可共白耳將此詳悉宣諭中外臣民其庀材興工一切應行事宜河臣會同督臣按例確估具題欽此

會典

乾隆十七年

上諭朕聞洪澤湖周圍寬廣五百餘里遇風起浪涌船有漂溺之患康

熙年間

聖祖仁皇帝特設救生樁釘於石工之外被溺之人全活甚多今夏家橋地方有舊葦壩一座並高堰以南順水壩一座皆有口門爲遭風船躲避之所於行舟甚屬有益再於高堰廳屬之老隄頭山盱廳屬之高湖壩迤南又徐家橋周橋四處各增設護隄救生壩俾沿河一帶人船恃以安全欽此

會典

重修安徽通志卷六十五

河渠志

水利一

安慶府

懷甯縣木郎河在曾家山北引新河水灌田千餘畝

槐茨湖在廣泰圩南引新河水灌田五百餘畝

金家橋在舊橋南引長楓港水灌田二千餘畝

張家寨在破港山南引長楓港水由三墩入灌田千餘畝

龍蕩壩在淶水鄉引秦塘湖水灌田四百餘畝

陳家湖在安樂圩內灌田二千餘畝

大陂塘在三城寺西灌田千餘畝

分水壩在碎石嶺東其源出泉陂塘至此大盛灌田數千畝

女兒潭在仆狗嶺下灌田千餘畝

張灌壩在之子橋上灌田八百餘畝

縱包壩在鄭家河灌田二千餘畝

野鴨塘在芝麻嶺南灌田數百畝

野鴨塘耕灌水利歸懷接股塘耕懷水利歸潛相傳懷潛

取便相易如鄭人
以祊易許田也

金絲堰在廣渡橋上引小吏港大河水灌田數萬畝

受泉牖在迴龍廟引小吏港後河水灌田數千畝

官橋堰在王家阪引珠流河水灌田千餘畝

蓮花湖在王家阪內灌田數百畝

高陂墩在靈源觀踏水橋下灌田數千畝

雙牖在李家沖口空度嶺太平山之水匯於此灌田數千畝

馮家河在受泉鄉納橫山以西子貢嶺以北之水至油樹灣下

白洋湖隨河爲堰灌田數萬畝

鵝港堰在劉京阪引黃泥港大河水旱則爲堰灌田數萬畝

趙家堰在趙家阪引黃泥港大河水旱則爲堰灌田數千畝

包家溝在石碑引石碑大河水灌田數千畝

油匠堰在時公渡上灌田數千畝

廣泰圩在淶水鄉引江水灌田萬餘畝

安樂圩與廣泰圩鄰田二千餘畝

黃荻阪在淶水鄉田數萬畝

總鋪阪在淶水鄉田數千畝

土橋阪在大豐鄉田數千畝

操家阪在大豐鄉田數千畝

三橋阪在受泉鄉田數萬畝

鄭家圩在受泉鄉白湖口田數千畝

雲田阪在欽化鄉周廣數十里不計畝數

受泉阪在受泉鄉田數千畝

凌家阪在受泉鄉田千餘畝

黃成圩在堯年鄉田數萬畝

梅家湖圩在堯年鄉田三千餘畝

趙家湖圩在堯年鄉田三千餘畝

赤湖圩在堯年鄉田三千餘畝

楊林阪在堯年鄉田數萬畝

釋迦阪在堯年鄉田數千畝

龍山湖在潛岳鄉田數千畝

以上懷甯

桐城縣縱陽河在縣東南百二十里其源自懷甯流入縣南

三十里又東流繞樅陽故縣諸川流入溉田甚廣

桐溪在縣東繞城而引流入城曰桐渠溉民田百餘頃順治康熙閒兩次重濬

青草壩納潛山沙河之水東南歸練潭河

葫蘆壩納屏風嶺東諸山之水入毛家河匯龍眠大溪

菜子湖入蟾子湖鴨子湖諸水東與榆樹背河合連城湖納連城諸山之水東南歸樅陽河其東岸爲中渡河

月兒湖納樅陽鎮北諸山之水分小溝入王家塘又分小溝入河

新開溝納石背頭之水入於江

白蕩湖北匯榔橋湖西連竹子湖南通破壩湖東連章家賽入於江

陳洋湖會九兒潭之水其北有水圩

孔城以西下樅陽以東皆圩田其上大埠縣互百餘里

以上桐城

潛山縣吳塘陂在縣西二十里潛水所注三國魏揚州刺史劉
馥開吳陂以溉稻田一名吳陂堰又吳呂蒙鑿石通水灌稻田
三百頃亦卽此陂明萬曆閒重築石隄石牖

國朝康熙十一年重修

仰天湖在雪山下其水沃

南湖在縣治南一曰靈湖又曰南園

雪湖在縣治東

烏石堰在縣東北三十里皖水所灌乃古陂也明知府胡纘宗

修築石壩一名烏石堰

殷家背隄在吳塘堰之東

以上潛山

大湖縣翟公隄在縣西南

縣志作
蘇東

元至正間縣尹翟居仁築至

今民賴其利

古熙塘在北門外

清水塘在太平鄉

大羅塘在興化鄉

天明塘在北門外

阜民塘在阜民門外

大安塘在太平鄉

小羅塘在興化鄉

白水塘在縣東三里

官塘在長甯鄉明洪武間監生李順奉工部劄子開

沙陂堰在棠梨阪

鳥株塘在興化鄉

牛浴塘在縣南城外

棠梨堰在棠梨坡

銀子河堰在銀子河

甘莊堰在甘莊齋

龍門堰在縣西納龍門山水

繫馬柱堰在馬家阪

黃土塘堰在黃土塘

木馬堰在馬家阪

高格寺堰在佛圖山下

靈仙莊堰在曹家阪

東堰在縣東四十里

萬家堰在鵝子山

龍家堰在橫山橋

梅家堰在梅林村

陳子基堰在楊家沖

下馬堰在松陽橋

泗洲堰堰在糊皮坡

大掌坪堰在白鹿河

城頭堰在城頭阪

父子堰堰在賈家坡

包公白廟堰在包公白廟

嘉鵝堰在武陽阪中

千工堰在千工阪

甘漳堰在甘家阪

郭家堰在郭家阪

長湖堰在長河園

劉家山鋪堰在劉家山鋪

張家堰在廖家山

羅家堰在羅家阪

白沙堰在石霞山口

張家堰在南陽石

高莊堰在汪洋鋪

梅家沖堰在李陽村

東天阪堰在東門外

秦良堰在秦良阪

白石阪堰在沙長阪

高陂堰在李家阪

羅陂阪堰在羅家村

黃土陂堰在黎家阪

楓香堰在凌林河

龍灣西冲堰在龍灣村

洪念冲堰在蓋家口

陸鍾堰在陸家冲

千家堰在千家阪

斗田堰在斗田阪

北倉堰在張家阪

許家橋堰在檢石嶺

鮮陂堰在鮮陂阪

三才阪堰在魏家阪

盧家堰在盧家冲

羅溪關口堰在單家阪

新增堰在李家冲

萬柳隄在縣北門外乾隆十九年知縣吳易峰築

官圩壩在興化鄉

孫公隄在縣西門外長三千四百五十弓道光十年知縣孫濟築

宣禦牓一在小河口一在施公山社一在楊樹溝一在犁頭背

道光十年知縣孫濟建

以太湖

宿松縣鑿山公塘在縣東十里

楓香隄在縣東三十里長三百五十丈明宏治中知縣施溥築
張家塘在縣東十里鑿山下

官塘在縣北十里

板橋塘在縣西十里

大蕩角塘在縣東二十里

白茅塘在縣東二十里

項應塘在縣東二十里

朱受塘在縣東二十里

屠家塘在縣北二十里

浮雲里塘在縣東三十里

曾禮正塘在縣東三十里

荆橋塘在縣東三十里

重刊... 名... 一...
豆溪塘在縣東三十里

洪五塘在縣南三十里

黃花塘在縣北三十里

張四塘在縣北三十里

蓮花塘在縣北三十五里

羅隱塘在縣東北三十八里

黃家堰在縣城東

清同堰在縣南十里明宏治中知縣施溥築

惠民堰在縣西二里明知縣施溥築灌河西田百畝

舊縣隄在縣北

黎協隄在縣東一里長百丈明宏治中知縣施溥築

翟公隄在縣西四十里以上宿松

望江縣漳湖在縣東北六十里四面受水最爲田患近有洲生湖中曰漳腹洲江南通志云蘆課歲增亦不妨魚課今按縣志蘆課歲增魚課大妨以洲地漸廣也

鱗湖在縣西四十五里

武昌湖在縣東北三十里廣十里袤三十里

青草湖在武昌湖東

白土湖在青草湖東

泊湖在縣西四十里廣袤各五十里其水受望江香山以南宿松月山以東諸山谷水東南流合宿松龍南湖泊澇湖仰瀧西金口諸水匯而成湖達於吉水鎮河入於江冬涸可涉水漲則田地患澇

西圩在縣東北縣志作西北六十里一統志云隄岸三千九百七十

餘丈圩中田三萬七千餘畝相傳孫吳時屯皖得穀數萬斛卽此圩也道光五年知縣尹作翰築

方公隄在縣南門外長三里明天啟中方懋德築

以上望江

舊按皖地六邑瀕江潛皖諸水流通四境多水利昔朱光爲廬江太守屯皖大開稻田諸葛恪乞率眾佃皆以皖地肥美也勤修圩岸毋使江湖爲害是爲要圖然圩田之築利害相因不可不審懷邑自乾隆開築鄭家圩下流恆壅白洋湖內田七千餘畝不時被災蓋獨秀山以西之水無所出也嘉慶四年又於湖口建朝天橋水口益塞每遇山水洪漲卽成積潦農民苦之道光初知縣朱士達議就圩外疏河洩水以調任不果惟有意利民者圖之

徽州府

歙縣豐樂水在縣西二里源出黃山溢於昌塢呂塢二塢各灌田二百頃

大小母塢溉田百餘頃

綿溪水在縣東南五十里下流入新安江有灌溉之利
布射水灌田六十頃

張公隄在府城外北西南三面濱水民居櫛比明萬曆丁未夏雨驟漲漂沒無算知縣張濤始伐石爲隄故名

覺公隄在巖鎮豐水上溪北水潦泛漲冢墓多至漂浮順治初遊僧覺公募錢數千緡登石成隄故名

永豐新塢在七都明洪武閒開溉田三千餘畝

豐塢在七都明洪武閒開以上歙縣

按歙縣志朱塢二千百有七所塢二百六十二所明塘七十

二所場三十五所此特舉其大者紀之

休甯縣白鶴溪在縣西二里源出黟縣橫江吉陽之水東流入縣境至鳳山下有夾溪水東南合流曰雙溪口夾溪一曰夾源其水灌田十餘頃

五城水在縣南四十五里與顏公山水合匯於龍灣溪口溉田四十餘頃

原阨水出縣西灌田三十餘頃

南當水出縣西南當山灌田三十餘頃東流匯於浙溪

金場在一都溉田千畝

東場在二都灌田三千七百畝

觀音堂場在三都灌田三百六十二畝

陳公場在十四都灌田一千九百餘畝吉陽水所注

東溪石塢在十四都溉田三百餘畝

大王千塢在十九都溉田三百八十畝

孫村塢在十九都溉田三百畝

臨溪塢在十九都溉田八百八十畝

大方塢在十九都灌田一千零五畝

東千塢在二十都溉田一千餘畝

程齊二塢在二十一都溉田一千畝

青苗塢在二十三都溉田二千畝

前阮塢在二十三都灌田二千二百三十畝

四柱塢在二十四都灌田七百畝

桑木塢在二十九都溉田一千八百畝

清漪塢在二十九都溉田三千畝

平山塘在縣東北溉田三千畝

林家塘在一都溉田二百畝

楊塘在一都溉田二百五十七畝

山川壇下塘在二都溉田二百畝

方塘在十都溉田五百畝

獨筍塘在十都溉田五百畝

珠塘在十六都溉田三百三十二畝

陳言塘在十六都溉田四百餘畝

福阮塘在十九都溉田三百畝

巴灘塘在二十二都溉田四百五十畝

魯公隄在楊村魯公倡築護田

富國隄在五都竭川溉田千頃

永年壩在霞瀛東北溉田數百畝

以上休甯

婺源縣益陽水在縣北出浙源山溉田三十餘頃武溪水亦出浙源山東南流經龍尾山溉田十三頃有奇

大鱸水在縣東出鱸山溉田十八頃

小斂水出小斂山溉田十八頃

梅源水在縣西出梅源山溉田八十頃有奇

杭溪水在縣西北七里石龍山溉田三十八頃

義塘在一都

朱緋塘在三都卽朱子觀書有感處

漫塘在三十都諺名海眼大旱不竭

旱塘在三十都蓄水灌田

龍巖塘在濬源山下數里許水自平地涌出其上立撫仙廟

塘陂楊林陂在二都

大橋陂在二都

莊前大陂在三都

楊樹陂慈坑口陂在五都

石龍陂在十都

晏公陂在程村

保公陂在三十六都

尚書陂在四十七都明季張之益重造灌西岸畝田二頃餘畝

程師場在二都

平渡場在汪口官渡下流汪口兩溪合流迴淤每遇洪水漲發

舟多覆溺居民築場以平水勢

潤澤場在十都雙溪口至汪口十里險阻不通舟楫明嘉靖開

江模江懋告牒開通商旅稱便

石龍塌在十都龍尾江澤江浦建水道由西岸村心至龍尾段
灌田千畝

匯源塌在鳳山水口高數丈灌田數百畝

義濟陂在三十都中山一名里嘉塌元祝壽朋鑿山引菊澗之
水環繞村落迤邐瀘瀘之溉田數百畝名菊源渠又築陂防水以
通渠故名義濟

官塌在二十都思溪泗洲塔灌田四百餘畝

以上
發源

祁門縣赤溪水在縣東溉田四十二頃

小北港在縣西溉田五十頃

大北港在縣西溉田十七頃

盧溪水在縣東南溉田八十餘頃

馭源塢在鳳皇山麓明萬曆初知縣廖希元倡築祝以庭繼建

余士奇成之

石陂塢在一都

古田塢在二都

牌前塢在三四都

饒家塢在五都

方村塢在六都

青塘塢在七都

金塘塢在十八都以上神門

黟縣吉陽水在縣東北溉田四十四頃

雙溪石隄章水與益孟山西水會處明嘉靖時知縣周舜岳建

隄以捍水梁時橫岡胡氏開注引水入今城之西北隅出迎鵝

門西達於黃姑墅收浸灌稻田之利曰槐溝亦曰淮渠

和尚塍章水所經城西余種德築其故渠北行東經長生橋會

於古溪塍成涸出而田升科

以上
縣

績溪縣羅公泉在縣南二十五里水自地涌出塍上數尺源甚
深長大旱不竭溉田數百頃

泉塘在縣西二十里塘中有泉蓄溢深廣引以灌田

龍井在縣西五十里泉從石中出溉田百餘頃

塌隆塌卽大甯渠在城北乳溪橋下明萬厯間知縣胡民仰捐
俸開渠

九龍塌在東門外灌石壩內田畝

腳山塌在縣東梓檀山下

東林塌在縣南腳山底小溪口下

西林場在縣南腳山底下

後里場在城西翠眉山下

金竹場在城西汪家坪

石壁場在城西來蘇橋

石碣在七都以兩石相接不假修築大旱不竭

上圳場在八都上川村前灌田二百餘畝

巖腳場一名黃場在十三都遙遙巖口灌竹山干田三千餘畝

自明嘉靖間立議分作六六輪灌遵行至今遇旱不災

東門石壩在東門外爲楊溪乳溪之隄舊爲溪水衝突明邑人

御史胡松請帑築壩延袤一百八十三丈高一丈六尺

國朝乾隆十二年知縣蕭昌請帑修築十五年知縣較陳錫重修

登源石壩乾隆十二年蛟水衝沒知縣蕭昌詳請修築自十都

至十三都計長四十里知府何達善知縣較陳錫督修

大古塘在九都良安鄉廣四十餘畝知縣王柝所開

葉毛塘在十都高塘村後隴中灌田四百餘畝以上

按徽州多山其水惟新安江與祁河爲大新安江東匯歙浦以入浙祁河西達浮梁以趨饒米粟百貨於是乎通而田畝無多亦資灌溉然地高灘險水無停滯十日不雨溪流立涸近因棚民居山墾種雨漲土潰壅入溪壑河身漸高後恐商賈不通所係匪細守斯土者宜申禁焉

甯國府

宣城縣清弋江在縣西六十里西南境之水咸匯入焉江西岸爲南陵境有渡昔人多引流爲陂堰以資灌溉

玉粒塘在縣東溉田數百畝

德政陂在縣東十里溉田二百餘頃

薛公堰在縣北百有十里

養賢圩在河西道途溝漚有古井田遺制圩中新築富民埠

金寶圩在河西田十三萬畝制度與養賢圩同

四合圩在河西原係上安定下安定太平尖刀四圩康熙四年

知縣李文敏並四爲一改今名

李公圩在縣東康熙八年下橋寶珍沈璋西陵歲豐五圩居民爭水知縣李文敏並爲一圩民德之因名

羅公圩在縣西清弋江明嘉靖閒知府羅汝芳請帑倡築故名
笄岳壩在縣東一名銅坑壩朱徐光遠修明胡仁濬

姜公塘在城東北明萬曆閒知縣姜奇方以諸生方袞請濬之

故名以上直城

按府志宣城圩百有二十六所壩八十九所塘百有十所或興或廢難以稽訪茲特載其源委可考者

涇縣泉水蕩附郭其竅以數千計溉田十有餘頃

承流壩一名新豐壩溉田二千畝

里社陂在曹溪都灌田三百畝

白額陂在溪上都琴溪灌田七百畝

馬家渡陂在老鶴鵲灌田三百畝

鳳皇橋堰蕩在宣陽都黃田村灌田二頃五畝

官壩一名汪倫壩在宣陽都灌田千四百畝

迎春塘流潭陂流壁壩洪家塘姚家塘社戶塘俱在宣陽都共

灌田數千畝

撞頭陂在曹溪都灌田一項二十三畝

余村陂在太平都灌田一項餘

南香陂在太平都灌田一項二十二畝

後門陂在太平都灌田一項五畝

高陂在溪頭都灌田四百畝

曹公隄在琴溪明知縣曹谷築以防水潦

豐陂在新豐都灌田五百畝

新開陂在豐東都灌田五百畝

五里陂在豐東都灌田五百畝

丁村新豐壩在長樂都丁家壩灌田千畝

八義壩在長樂都灌田四百餘畝

謝母陂在張香都謝母坦灌田三百畝

五里壩牛司井堰雙井塘俱在長樂都其灌田五千餘畝

雷塘陂在花林都灌田三百畝

高村壩湖陂壩雙溪石隄在北亭都朱姓建

漣溪石隄在茂林都乾隆壬辰山水衝廢吳姓重建

新興羅陂在禮辭都灌田五百畝

石潭陂在大成都灌田三百畝

舒村陂在大成都灌田三百畝

西陂在大成都灌田三百畝

石橋陂在溪丁都石橋頭灌田四百畝

楊千陂在十二都灌田三百畝

石頭院陂在十二都灌田三百畝

胡村陂在岸前都灌田四百畝

北山陂在岸前都灌田五百畝

汪村陂在岸前都灌田三百畝

許家陂在岸前都灌田四百畝

高塘陂在岸前都灌田四百畝

松山蕩在青東都灌田三百畝

王家渡蕩在青東都灌田三百畝

以上
涇縣

按府志載涇縣陂壩二百六十八所塘蕩四十所此特舉其
大者

南陵縣永豐陂在縣東南六十里引清弋江水以溉田

大農陂唐時范君朝置石堰開荒埭數萬畝

東溪石堰卽今壩上河流易涸眾建蓄水

雙龍井泉源出濟頭山深無底灌田數十畝

方家沖小溪由童家橋入新港又娘塘沖泉俱溉田數百畝

萬年堰卽都堂壩土築明萬曆間知縣沈堯中改石堰易今名
洋湖壑在縣東二十里有東西二口東口洋湖西口有水屆康
熙九年知縣屈升瀛設漲則流涸則蓄上下均利永禁私築壩
埧阻塞以上南陵

按府志載南陵圩埧五十八所陂壩堰九十三所湖塘百有
七十一所

甯國縣何村陂林干陂山口陂墩陂在縣東

大陂岱圩陂舒亮陂湛石陂在縣南

梅陂永豐陂湖陂胡理陂陂頭陂在縣西

羅田陂在縣北

金山壩前活壩在縣東

包婁壩新建壩石聖壩星壩楓樹壩岱圩上壩在縣南

廣通壩賢山壩在縣西

白石壩麻屯壩胡村壩石潭壩在縣北

張村塘荷花塘胡山塘趙家塘在縣東

千一塘馬公塘在縣南

容村塘紫賢塘在縣西

梅樹隴塘泉水院在縣北

以上
甯國

旌德縣徽水在縣北源出績溪徽嶺之北西北流有清潭水出縣南境清潭山溉田十餘頃流數里入徽水

江清陂胡口陂松木陂楓木陂在一都

黃連陂上桂陂何村陂桂枝橋陂上巖陂下巖陂在二都

泉村陂高橋陂在三都

楊柳口陂在四都

和尚陂黃厯陂壇石陂長橋陂斜竹陂倪家陂在五都

古樓陂饒家陂五里陂汪王陂在六都

泉水陂青山陂在七都

沙口陂柳溪陂在八都

程村大石陂歇口橋陂在九都

昌亭陂蔣村陂在十都

梅陳陂在十一都

蘆陂上竇陂苦李陂在十二都

王陂賀陂在十三都

盛潭陂大西陂巖村陂虎村陂在十四都

蔡家陂上洗陂在十五都

攔石陂石養陂石洞山陂在十六都

黃柏陂橫山陂劉村陂在十七都

楊公陂柳村陂石陂孫村陂良灘陂汪良陂躋農陂在十八都

汪村陂驪陂在十九都

饒保局陂黃土碣陂胡麻碣陂在二十都

胡長塘下洋陂在二十一都

中洋陂八井塘在二十二都

以上
旌德

太平縣寒陂黃陂蘆溪陂查家陂在縣東

黃潭陂洪陂梅陂楓樹陂三里丁家陂姚川陂譚家陂葉家陂

陳家陂石橋陂石磨陂在縣南

楊桃陂梅公陂紗籠陂章家陂水碓陂湯家陂鸚鵡陂在縣西

柞村陂狼田陂平陂丹陂謝家陂夙家陂俱在縣北

以上
太平

按甯國巨浸惟清弋江匯太平旌德涇縣諸水而宣城南陵

承其委故宣城有圩田之利金寶養賢二圩疆畝甚多制度亦善人稱有古井田遺法若南陵永豐大農二陂亦水利之大者而諸邑山多田少富饒過之以居民多事懋遷非關水利然通商集貨浮筏乘舟亦藉水之力焉

池州府

貴池縣查村堰在縣西南百五十餘里受諸山溪之水引流溉田百餘頃

黃荆堰在縣西南八十里受諸湖水以溉田

羅坦陂在縣南開元鄉灌田四百餘畝

古遊陂在義三保灌田四百餘畝

高田堰在縣西南受黃山三十六源水溉田三百畝

桃湖陂在玉鏡潭之上一名桃花陂

芒屨堰在梅村相傳仙人經過擲芒屨而成堰灌田千餘畝
唐田堰在義三上保灌田六百餘畝

官堰在義三上保灌田千餘畝

港北堰在義三上保灌田二百畝

新村堰在縣西百九十里灌田二百畝

深潭堰在縣西百八十里灌田三百畝

唐村堰在縣西百六十里灌田三百畝

黃屯堰在縣東南六十里灌田數千畝

徐川堰在縣西二百里灌田三百餘畝

陳田堰在仁三保受西下洞泉而東南諸水匯焉雖旱不涸惟

霖雨有潦患

夏塘在義三上保塘深無底灌田數百畝

以上
貴池

青陽縣聖泉在縣西南四十里魁山下冬夏不竭民田賴以灌溉

六泉在五溪山之南由石罅中湧出愈旱則愈溢民田賴之
石堰在茅田上水泉灌溉居民賴之

華湖堰在縣南通臨城河水灌西郭田民被其利

申明堰在九華山西向有申明亭故名

黃石溪堰在縣南六十里其溪出九華山瀉南陽瀾堰隨水高低灌田甚廣

尙堰在縣東北四十五里匯龍井泉及下連村諸水順治三年里人王拱鑿渠築石爲堰灌田數百畝

星斗堰在縣東四十里灌田七百餘畝

新堰在縣南三里灌官田三百餘畝

劉家堰在縣南二十五里灌溉江村田三百餘畝

迎龍壩在鮑家村

吳村塘在縣東南五里

黎家塘在縣南二里

新塘在縣東北四十里灌田數百畝

以上青陽

銅陵縣天井湖在縣東湖心有井不竭遠近諸川多匯於此

靈寶泉在縣東葉山溉田百頃水旱如一

老龍墩壩在縣南門外一里墩東馬寨磯江家澗之水由縣河

入江於墩下西折處築壩以緩水勢

鳳心牖在東西二湖之間卽湖築隄四十餘里引水至荻港入

江而中作牖以時洩蓄圩田賴之

百家墩壩在縣北十五里壩內通江村等圩之水上外接大江

丁家洲壩在丁家洲河口都埤經其外水高於圩數尺不能潰入仁豐諸圩賴之明崇禎閒居民決埤建牖江水灌入幾不能堵後立禁不得擅開

都埤在縣北十五里自百家墩至胭脂夾計八十餘里明萬厯閒知縣徐一科勸築以保障仁豐諸圩故又名徐公隄

以上
銅陵

石埭縣蕭侯陂在縣北有二溝瀦水溉田甚溥舊名故院陂年久壅塞明成化中知縣蕭環重築民賴其利故名

龍巖泉在縣西四十里又曰西溪大旱不竭賴以灌溉

古芒陂烏林陂獅子陂在一都

僧眾陂在崇明寺前

千工陂巫園坦陂在二都

蘇家陂李家陂楊家坦陂黎家陂在四都

沈家陂深田陂柳樹陂前山陂在下五都

余溪陂巖陂茅田陂楊村陂在上五都

迎春陂雍溪陂社河陂在六七都

大阮陂城子陂梅樹陂湘陂清陂浚家陂瑯田陂吳家陂沙田陂石埭陂在八九都

埭下陂磨塘陂施村陂杜家陂南岸陂在十一都

小車陂北岸陂楊村陂香口陂黃家陂在十二都

七里陂在十三都

青山潭堰舊在舒溪口下嘉慶二十五年移築溪口上

以上石埭

按縣境各都近水之處皆有筒車不藉人力順水旋轉車上設筒吸水引入溝洫其制甚巧又高埠水不能至則於山谷急流處築隄止水用長大竹筒豎於水中令水激而入竅漏

而上噴高田亦得灌溉

建德縣大陂在一都由石門嶺發源匯和郵錦溪之水溉田三百畝

小陂在一都由大陂匯關前之水溉田五百畝

魯公陂在一都越畱山陂八里匯關前合臨白果沖葛源之水溉田八百畝

潭石陂在一都

查林陂在一都

畱山陂在一都畱山寺前匯小陂以下之水溉田八百餘畝

客橋陂在一都阪

豐樂陂在十一都

檀陂在十二都

青山陂在十四都

西山陂在二十九都

黃家陂在二十九都

茶阮陂在三十四都

方村陂在三十七都

永豐陂在三十八都

大塘在二十七都自涑水達河環繞十餘里

七里塘在二十七都周一十六丈深六尺

魚陂塘障大塘水上下灌田二千餘畝

水車堰在蘇村保內壅水推車不用人力溉田無患長三丈寬

六尺五寸

以上建德

東流縣蒲塘在縣東北五十里源出石人山灌田二百餘畝

柳隄在縣西南門外明知縣蕭珮築互二百六十丈西北達江口拱北山下立牖以蓄湖水

國朝乾隆十年知縣萬紹熙復修

張公隄在縣治東門外知縣張叔珽築

馬家隄在縣南四十里

以上東流

按池州山多田少境內所產無居民半歲之糧日仰給楚豫皖桐以爲食明劉徵君城所謂稻粱百物待命客舟商賈裹足池乃坐困也山田高而溪水下或登石中流或以瀦蓄水民頗習於稼穡不勤而勤三邑枕江銅東稍有圩隄之利而貴池瀕江田畝圩岸缺如十年九溢若陂而障之庶幾石田悉化爲沃壤歟

太平府

常塗縣丹陽湖在縣東南七十里江甯廣德徽甯境內之水匯
爲三湖而丹陽最大東西七十五里南北九十里爲太平水利
之宗

姑孰溪在縣南二里自丹陽引流而北合支流諸水匯爲姑孰
溪又西過盪浦經城南謂之南州津溉田數百頃

新壩在縣東南廣安坊宋紹定中開渠引姑孰水入城濠後塞
明萬厯間重開引水經襄城橋出梅莊插至今利之

石白湖在南湖白鹿兩鄉之間

路西湖一名路斯因張路斯得名在延福姑孰二鄉

萬春湖在延福姑孰二鄉本係圩田明正統閒巡撫周忱築東
壩破以瀦水田賦派入蘇常萬厯初令民納租取草

大溪港在貴遊白鹿二鄉

小溪港在白鹿鄉

新開港在貴遊鄉

武山港在永保鄉

杜公港在采石鎮

竺山圩在姑孰鄉

分界溝與高澗分界處

十字圩丹陽湖水所注

黃連溝長牽溝陳家壩湯家壩在黃池鄉

西湖溝湖水溝史家壩竹秋壩周丁壩在化洽鄉

中車溝東司溝在慈湖鄉

高塘壩吳貴上壩吳貴下壩湖港壩神臺壩王家壩沈家壩在

歸善鄉

黃龍澗黃岱溝在令望鄉

曹家壩宋家壩田家壩雙潭溝沙溝中溝橫溝官溝在多福鄉

大官圩在福定圩下感義圩上官圩屢破皆由福定感義兩圩

先圯故設立中心埠以別之共三十餘里

以上當塗

按福定圩當宣歙衝流視感義尤險乾隆三十四年道光三年皆福定先漫中心埠決漂溺田廬人畜無數府縣諭令官

圩內二十九圩居民按畝輸費修復

蕪湖縣蕪湖水源出丹陽湖水勢趨江居民田於湖心方圩以

過之遂醜為二股北屬當塗南屬蕪湖

魯明江五堰孫儒與楊行密戰行密將臺濛作五堰於此以給

軍食

天城湖一名天聖湖在縣東南十五里廣一百八十頃

歐陽湖在大小荆山中

白岸湖在縣東南七十里青峰場租出此

以上
蕪湖

繁昌縣泉水塘在縣北一里周三里溉田百頃

新開溝在舊縣鎮南十里

清流潭在十一二都

新溝潭在二十九都

滾壩在東門外濠中

上壩在南門外

中壩在城東南

下壩在汪二渡下三壩大有益於邑人惜今久廢其址猶存

馬家壩在縣北十五里

蘇伍塘在十八都首受繁昌南陵兩縣諸山之水分長闊無際水

重刊欽定四庫全書卷之十五
漲時一望如湖

噴雲泉在隱靜山挂月峰相傳泉與海通

龍華山洞泉在龍華寺旁嘗有蘆浮出疑與江通一村之田藉

以灌溉

以上繁昌

按太平襟帶江流又合江甯廣德宣歙諸水匯爲三湖浸灌
稻田地稱沃野然江湖時溢受害亦先謹修圩岸培薄增卑
農隙勸民歲行勿怠庶足以保美利而捍大患議者謂郡之
水患由於東壩之築然自明正統間撫軍周忱築壩以來非
遇盛漲之年尚可宴然無患若開此壩三吳皆澤國矣利不
十不變法害不十不易制守土者其尙審諸